

# Oud, nog nie koud, maar met te min geld

Al meer bejaardes smag na die dood oor groot geldnood

Nico van Gijsen



Raad met jou rande



Ek het die week 'n interessante artikel op Netwerk24 gelees: "Lewensmoegheid onder bejaardes: Gee dit jou die reg op genadedood?"

Die vraag word gevra deur Sam Carr, 'n medeprofessor in opvoedkunde wat saamwerk met die departement sielkunde en die sentrum vir dood en die samelewing aan die Universiteit van Bath in Engeland.

Lees dit gerus. Ek bepaal my by enkele punte wat ek hieruit beklemtoon en wat ek in verband wil bring met die geldkwestie by en ná aftrede. Dié is immers eerstens 'n finansiële rubriek.

Baie mense kom in hul oudag by 'n punt waar hulle moeg en selfs nutteloos voel. Soveel so dat baie van hulle nie langer wil bly leef nie.

Dit kan ek nogal verstaan, want wat is die waarde van die lewe as dit nie geniet kan word nie? As jy wil nie meer 'n bydrae kan lewer nie? Jy wil tog nie net sit en asemhaal nie.

Van die sleutelkwesties wat Carr in sy artikel uitlig oor mense wat smag om hul lewens te beëindig, blyk te wees die "verterende eensaamheid, pyn as jy nie meer saakmaak nie, ek-sistensiese afgematheid en vrees vir afhanklikheid".

Vrees vir afhanklikheid? Hoeveel keer predik ek oor die jare nie hier oor finansiële onafhanklikheid nie?

Laat ek dit dié keer duideliker stel, as jy nie genoeg voorsiening gemaak het vir aftrede nie, gaan jy die een of ander tyd van iemand afhanklik raak. En dit, wat my aanbetref, is na aan die afgrond, waar jy, as jy lank genoeg daar speel, die een of ander tyd kan begin smag na verlossing.

Klink dalk koud, maar kyk om jou. Dit hoef nie so te wees nie. Dit vereis egter 'n positiewe ingesteldheid wat be-

## Wat is 'n 'lewendende testament'?

'n Lewende testament is 'n dokument wat jy in jou lewe opstel waarin jy vooraf bepaal wat moet gebeur wanneer jy in 'n lewensbeëindigende situasie beland en jy nie in staat is om besluite te neem nie.

Dit val in die domein van genadedood, meen ek, maar dit is nie 'n versoek om genadedood nie. Die hulpverlening met genadedood is nog onwettig in Suid-Afrika.

In jou lewendende testament sal jy byvoorbeeld bloot dokters opdrag gee om nie jou lewe te probeer verleng as daar geen hoop meer op lewe is nie. Hetsy deur behandeling of die toedien van medisyne.

Die doel hiervan is dat 'n mens kies om met waardigheid te sterf.

Wat inhoud aanbetref, sal die hoofokus byvoorbeeld wees om mediese behandeling te weier en nie kunsmatig aan die lewe gehou te word nie.

Maar dit kan ook aanwysings gee oor aktiewe versorging, orgaanskending, ensovoorts.

Daar is geen wettlike plig of dokters om gehoor te gee aan so 'n lewendende testament nie, so dit sal raadsaam wees dat as jy so 'n testament opstel, jy dit vooraf met jou dokter bespreek.

En beteer nog, ook vir hom of haar 'n afskrif daarvan gee.

Nog raad

gin lank voor aftrede. Dit moet 'n lewenswyse word. Ek sê baie keer vir mense na aan my, ek sit doelbewus soms oogklappe aan om die negatiewe te kan ignoreer ten einde te kan fokus op dit wat goed, reg en mooi is.

Ek verkies om die woordspeling met die Engelse "retire" as vertrekpunt vir aftrede te gebruik. Jy het lank geloop op dié stel ou bande, dis nou tyd om nuwe bande op te sit ("retire"). Nie om die wiele af te haal en jouself "op blokke te sit" nie.

Maar dan moet jy betyds en genoeg voorsiening maak. Om jou onafhanklikheid en selfrespek te behou.

Jy moet beplan daarvoor, dit kom nie vanself nie.

Hier is enkele gedagtes wat kan help.

### Vroeë aftrede

Loop lig vir die een.

Hoe langer jy werk, hoe langer verdien

jou leun nie.

Kinders het jeug aan hul kant. Hulle kan herstel van 'n finansiële terugslag. Jy kan nie. Dit is nie selfsugtig nie. Dit is juis om julle albei te beskerm.

Ek kan talle voorbeelde noem van pa's wat hul aftregeld vir 'n seun gegee het om 'n eie saak op die been te bring. Gewoonlik 'n saak waarvan nie die pa of seun die vaagste benul had nie. En ses maande later is albei ewe saakloos, werkloos en geldloos.

Sorg eers vir jouself. Jy het 'n lewe lank daarvoor gewerk. Elkeen kry sy beurt. Gun jou seun syne.

### By kinders intrek

Die een kan nogal emosie uitlok.

My boodskap is, moenie. As jy enigins kan, moenie. Ek weet sommige doen dit, maar ek sien ook die probleme.

Kinders het 'n reg op 'n eie lewe, sonder die las van oumense.

Is dit reg teenoor 'n skoonseun of skoonogter? Is dit reg teenoor kleinkinders om dag ná dag te moet kyk hoe iemand daar sit en ouer word en swaker word en wag om dood te gaan?

Kinders moet speel en lag, nie heeldag saggies moet wees om oumense ter wille te wees nie. En hoe ouer, hoe erger.

My punt is dat daar heelwat is wat gedoen kan word om te help dat jy nie in so 'n situasie beland waar die lewe jou so druk dat jy smag na genadedood nie.

Goeie geldbeplanning is een. 'n Positiewe kop is die ander.

■ Nico van Gijsen, 'n gesertifiseerde finansiële beplanner en belastingpraktisyn, is besturende direkteur van Finlac en 'n lid van Fisa. Lesers kan navrae aan hom stuur deur te skryf aan [nico@finlac.com](mailto:nico@finlac.com).

■ Nico is 'n gasspreker by die Everest Wealth Lewe Plus Ekspo op Sondag, 11 Junie om 14:00 by The Maslow, Time Square in Pretoria. Stuur gerus vooraf jou vrae na [liezel.delange@rapport.co.za](mailto:liezel.delange@rapport.co.za). Koop jou kaartjie by [Tixsa.co.za](http://Tixsa.co.za).